



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt VI. Quos dicat Apostolus esse sub Lege.

[urn:nbn:de:hbz:466:1-46059](#)

Christus, ad iustitiam omni credenti. Et peccatum illum damnasse dixit in carne, ut iustificatio Legis impletetur in nobis, qui non secundum carnem ambulamus. Hæc Chrysostomus.

CAPUT VI.

Quos dicat Apostolus esse sub Lege.

SED verendum est, ne, cùm noui Testamenti filios Legis obligatione dicimus obstrictos teneri, eos non sub gratia, sed sub Lege esse dicamus. Atque illis *Apostolus loquitur & dicit*: Non enim es sub Lege, sed sub gratia. At vellem illi qui hoc dicunt, animaduerterent ab eodem sibi ipso illo in loco responsum esse, cùm ita subiungit: *Quid ergo? peccabimus, quoniā non sumus sub Lege, sed sub gratia?* absit. An nescitis quoniam cui exhibetis vos seruos ad obediendum, serui estis eius cui obeditis, siue peccati ad mortem, siue obeditionis ad iustitiā? Si igitur peccare nobis non propterea integrum est, quod sub Lege nos simus; Legem profectò diuinam nihilominus obseruare tenemur, cuius necesse est violatione peccari. Quinam igitur sub Lege esse censendi sint, discant et eo quod idem Apostolus ait ad Galatas scribens: Si Spiritu ducimini, non estis sub Lege. Spiritu enim illud cunctur, quos Spiritus inhabitans regit, & charitate imbuit: qui propterea sub Lege dicuntur nō esse, quod iam & reatu mortis ob violatam Legem contracto liberati, & eidem Legi vltro libenterque subiecti, non amplius premantur à Lege, sed ab eadem potius subleuentur. Cùm enim dixisset Apostolus: Caro concep-
*Vide August. tract. 3. in Ioā. 3. p̄ficit aduersus Sp̄ritū, & Sp̄ritus aduersus carnem. Et Epist. 29. ad Hieron. 1. ut non ea quæ vultis, faciatis: ne ab ipsa pugna desiderium. Et lib de natura & gra-
cia, cap. 57.*

des ficeret, perque hanc tentaculam laxam etum petandi dedisse videretur, adiungit: *Quod si Spiritu ducimini, non estis sub Lege. Sub Lege est enim, inquit*

Augusti,

Augustinus, qui timore supplicij quod Lex minatur, non amore iustitiae sentit abstinere se ab opere peccati: nondum liber, nec alienus à voluntate peccandi. In ipso enim voluntate reus est, qua mallet, si fieri posset, non esse quod timeat; ut liberè faciat, quod occulte desiderat. Ergo si Spiritu, inquit, ducimini, non estis sub Lege; utique Lege quæ timorem incutit, non charitatem tribuit. quæ charitas diffusa est in cordibus nostris, non per Legis literam, sed per Spiritum sanctum, qui datus est nobis. Et rursus: In quantum quisque Spiritu ducitur, nō est sub Lege: quia in quantum condelectatur Legi Dei, non est sub Legis timore: quia timor tormentum habet, non delectationem. Breuissimè quoque in Psalmū primum tractans quod ibi legitur; Sed in Lege Domini fuit voluntas eius. Aliud est, inquit, esse in Lege, aliud sub Lege. Qui est in Lege, secundum Legem agit: qui est sub Lege, secundum Legem agitur. Ille ergo liber est, iste seruus. Et in Regula, sub Lege significat esse seruos: ex ea videlicet seruitute, in quam vetus Testamētum generabat. Sub gratia verò liberos, qui Domino suo liberaliter libenterque seruiunt. Det Dominus, inquit, ut ista faciat: non sicut serui sub Lege, sed sicut liberi sub gratia constituti. Atq. id ipsum est quod & Chrysostomus docet, sub Lege esse qui ipsam metu exequatur, non virtutis desiderio: qui que à malis quidem abstinent, sed more seruorum: quos affirmat legis destinatione frustrati, quia non iustificantur. Eos verò qui sub gratia sunt, supra legem esse: non ut illam non impleant, sed quod eam dignius etiam ac præstantius cæteris impleant: maiora interdum quām ipso præcipiat perficientes. Clarus hic, opinor, Apostoli sensus est. ad quem percipiendum atque firmandum, illud etiam pertinet quod alio loco docet, eos qui sub lege sunt, sedimi à Christo oportere, ut recipiant adoptionem filiorum.

*Homilia 2. In
Præcepto ad Timo-*

Galat. 4.

filiorum. Ex quo euidentissimè colligitur, eos qui sub
lege sunt, adhuc captiuos & seruos esse, nō filios. vnde
enim Christus redimeret? nisi à diabolo, à perditione,

In Psalm. 31. à peccatis suis, ab eo cui se vendiderant, inquit Augu-
stinus? Et ideo quia sub Lege erāt homines, nō in Le-
ge; ab illa pressi, & de reatu conuicti, non liberati: mi-
sit Deus Filium suum, factum ex muliere, factum sub
lege, propter maledictum legis quod moriendo suscep-
pit, qui factus est pro nobis maledictum; vt iis qui sub
lege erant redemptis, adoptionis filiorū dignitas redi-
deretur. Declarauit ipse quoque Cassianus, quid esset
esse sub Lege, quidque sub gratia: & ad hunc quidem
modum, vt nostrorum sectariorum fictitiam libera-
tem confutare voluisse videatur. sic enim scribit col-
latione 21. capite 24. Quisquis, inquit, perfectionem
Euangelicæ studuerit tenere doctrinæ, hic sub gratia
constitutus, peccati dominatione non premitur. Hoc
estenim esse sub gratia, ea quæ gratia mandat imple-
re. Quicunque verò perfectionis Euangelicę pleniu-
dini subiectus esse noluerit, non ignoret, se, quamvis
baptizatus sibi videatur ac monachus, non esse sub
gratia, sed sub Legis adhuc vinculis præpeditorum, pec-
cati pondere prægrauari. Propositum namque est eius,
qui omnes à quibus receptus fuerit, gratia adoptionis
assumit, non destruere, sed superedificare: nec enacu-
re, sed adimplere Mosaicas sanctiones. Quod non
nulli penitus ignorantes & consiliorum atque exhor-
tationum Christi magnificetiam negligentes, ira pra-
sumptæ libertatis securitate soluuntur, vt non solum
Christi præcepta tanquam ardua non attingant; ve-
rum etiam ipsa illa quæ illis incipientibus parvulisque
Mosaica Lege mandata sunt, velut antiquata côte-
nant; illud quod Apostolus execratur, noxia libertate,
diceres: Peccabimus, quia nō sumus sub Lege, sed sub
gratia. Qui ergo nec sub gratia est, quia nequaquam
ad do-

ad Dominicae doctrinæ culmen ascendit: nec sub Legi, quia etiam ipsa illa paruula Legis mādata non suscipit; hic dupli peccatorum oppressus Imperio, ob hoc solum gratiam Christi percepisse se credit, vt per noxiā libertatem ab eo fieret alienus: in illud incidentis quod Apostolus Petrus ne incurramus enunciat. Quasi liberi, inquit, agite, & non quasi velamen habentes malitiae libertatem. Beatus quoque Apostolus Paulus: Vos enim, inquit, in libertatem vocati estis, fratres: id est, vt absoluti sitis à dominatione peccatis tantum ne libertatem in occasionem carnis detis: id est, frustrationem legalium mandatorum, credentes esse licentiam vitiorum. Hactenus ille.

CAPUT VII.

*Quid sit quod Apostolus ait, fideles mortificatos esse
Legi per corpus Christi.*

N I H I L proinde iam ea de muliere & Lege simile
litudo perturbat, quam posuit Apostolus capite
septimo Epistolæ ad Romanos. An ignoratis, fratres,
(scitibus enim Legē loquor) quia Lex in homine do-
minatur quanto tempore viuit? Nam quæ sub viro est
mulier, viuente viro alligata est legi. Si autem mortuus
fuerit vir eius, soluta est à lege viri. Igitur viuente viro,
vocabitur adultera, si fuerit cum alio viro. si autem
mortuus fuerit vir eius, liberata est à lege viri, vt non
sit adultera si fuerit cum alio viro. Itaque, fratres mei,
& vos mortificati estis Legi per corpus Christi, vt sitis
alterius qui ex mortuis resurrexit, vt fructificetis Deo.
Nam quid esset mortificatum esse Legi per Christi cor-
pus, consequentibus verbis aperuit: Cūm enim esse-
mus in carne, inquit; passiones peccatorum, quæ per
legem erant, operabantur in membris nostris, vt fru-